

**ANG**

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 19
Nobyembre 7, 2003
www.philippinerevolution.org


Editorial

Pamatukan ang kontrapumuluyo nga maniobrahan sang mga reaksyunaryo

Wala kutod ang kaluiban kag himbunanay sang nagkalain-lain nga paksyon sang nagaharing sahi samtang nagamaniobrahan kag nagapa-indisanay sila para sa poder pangpulitika kag paghugakum sa kaban sang banwa. Samtang nabuyo sila sa pagtigayon sang ila mahigko nga hampang sa reaksyunaryong pulitika, nasaksihan sang bug-os nga pungsod kon paano nila ginalikawan kag tikuon ang reaksyunaryo nga layi agud isulong ang taga nila ka makitid nga interes. Matuki man sang pumuluyo kon ano kahigko kag kapintas ang resulta sang eleksyon sa 2004, kon madayon gid man ini.

Ang subong nga mainit nga isyu angot sa *impeachment* kay Hilario Davide Jr., *chief justice* sang Korte Suprema, paibabaw lamang nga manipestasyon sang mas mabaskog nga maniobrahan, bangga kag himbunanay sang nagkalain-lain nga paksyon sa nagaharing sahi. Ano man ang merito sang kaso nga ginaatubang ni Davide, sa likod sini maathag nga makita nga ang mga nagabanggianay nga grupo—dampig ukon kontra sa mahistrado nagatiglawas sang dalagku nga pangpulitika kag pang-ekonomya nga interes. Ang numero uno nga nagmaniobra agud kasuhan si Davide amo si Eduardo "Danding" Cojuangco Jr. nga nagapapel bilang isa sa

mga tagapwesto kag prinsipal nga kroni sang mga nagtaliwan nga presidente. Ang nakataya subong: ang pag-amlig kag pagpalapad pa sang iya imperyo kag kagamhanan sa reaksyunaryong pulitika. Buot paturon ni Cojuangco nga mabawi ang husgar sang Korte Suprema nga pondo pangpubliko ang *coco levy* nga madugay na niya ginaangkon. Kaangot sini, mahawan man ang dalan sa pag-angkon niya sa 27% sapi sang United Coconut Planters Bank sa San Miquel Corporation (SMC) nga ginbakal sa paagi sang nasambit nga pondo. Nahimo na niya nga baliskaron sa Sandiganbayan ang mandu sang Presidential



**Mga tampok
sa isyu nga ini...**

Negatibo ang grado
sang ekonomya
sang Pilipinas PAHINA 3

38 armas natipon
sang BHBsa mga T0
PAHINA 4

Nagadabdab ang
Daba-Daba sa Panay
PAHINA 6

Commission on Good Government sadtong 1986 nga sekwesteron ang 20% sang mga sapi sa SMC nga madugay man nga ginaangkon niya.

Ang tanan nga ini pagpakita-kusog man ni Cojuangco para sa eleksyon 2004. Nakakuha siya sang bastante nga numero nga nagpirma sa *impeachment* kay Davide paagi sang iya mga gaway sa Kongreso. Nahimo man niya ini paagi sa kooperasyon ni Arroyo kag sang pagnyutral kuno niya sa rason nga ang pangulo amo ang "tagapat-unga." Nangibabaw man ang pagkadaluk-dalok ni Arroyo sa pinansyal kag pangpulitika nga suporta nga panug-an ni Cojuangco para sa 2004, sa kahimtangan nga wala pa makadesider si Cojuangco bahin sa posibilidad sang iya mismo pagkandidato ukon pagsuporta sa kandidato sang oposisyon. Lunsay nagasakay si Arroyo sa mahigko nga iskema ni Cojuangco. Sa pihak nga bahin, ginpatampok kag ginpagrabbe lamang sang padihot ni Cojuangco ang kahinaan ni Arroyo.

Subong pa lang nagabunga na sang daku nga litik sa nagaharing sistema ang amo nga maniobrahan. Ang nagabanggianay nga kampo

inagaway sa pag-angkon sang pribilehiyo kag kahigayunan nga mangin pangunahon nga papet sang imperyalismo, kag mag-entra sa pagpanghugakum kag pagsipot sa kaban sang pungsod, pagpasingki sang pagpanghimulos kag pagpamigos sa pumuluyo kag pagkabig sang maksimum nga ganansya halin sa mga ini. Pat-ud nga mas magasingki pa ang mga banggaan samtang nagapadulong ang reaksyunaryong eleksyon.

Tuman ka paborable sang kahimtangan para hingalitan sang mga progresibo kag demokratikong pwersa. Ang kaso nga *impeachment* ni Davide dugang nagapalutaw sa lapnagon nga korapsyon sa ginaagawan nila tanan sang reaksyunaryong gubyrno kag sa lunsay kadalukon sang nagaharing hubon Arroyo kag sang kampo sang dalagku nga burges-kumprador nga si Cojuangco. Wala sang pagapilian ang pumuluyo kundi sila ukon mga ginamanduan nila. Labi nga nagaathag ang pagkainutil sang reaksyunaryo nga eleksyon para dulaon ang kagarukan nga nagalapos na sa kaidadalman sang nagaluntad nga sistema.

Sa partikular, nagapaakig pa gid ang pagmaniobra kag himbunanay

nanday Arroyo kag Cojuangco para indi maangkon ang pondo nga pila ka tuig nga ginhukhuk halin sa minilyun-milyon nga imol nga mangunguma sang niyog, mga mamumugon sa malapad nga empresa ni Cojuangco kag nagkalain-lain pa nga sektor sa kubay sang pumuluyo agud kundenahon ang mga maniobrahan kag himbunanay nanday Gloria kag Danding kag ipamilit ang pagbalik sang pondo nga *coco levy* sa mga matuod nga nagapanag-iya sini.

Kinahanglan gamiton ang tanan nga pamaagi kag kahigayunan agud mapaabot kag pamaathag sa pinakamalapad nga kubay sang pumuluyo ang matingkad nga kaso sang korapsyon, maniobrahan kag himbunanay batuk sa interes sang pumuluyo, indi lang yadtong mga nakalkal subong kundi yadtong mga daan na nga nabuyagyag kag wala mahatagan hustisya. Sa proseso mas madamo pa nga kaso ang mabuyagyag. Kinahanglan matinugahon nga makapahulag ang pinakamadamo nga numero sang pumuluyo sa nagkalain-lain nga porma sang mga aksyong protesta batuk sa korapsyon kag mga padihot sang pinakadaku nga reaksyunaryo. Maluwas sa masang anakbalhas, pamatan-on kag estudyante, malahalon nga mahabig ang mga tawo kag organisasyon sang simbahan, magagmay nga negosyante, mga titser kag empleyado sa gubyrno, pati ang mga positibo nga elemento sa AFP kag mapaidalom sila sa malapad nga nagahiliugyong prente.

Sa proseso sang pagbuyagyag kag pagpakamalaut sang maniobrahan, mahigko nga taktika, kag himbunanay sang dalagku nga reaksyunaryo batuk sa pumuluyo, maipakita naton ang garuk, reaksyunaryo kag anti-pumuluyo nga kaidadalman sang nagaharing gubyrno kag sistema, kag kon nga kinahanglan ini nga pukanon kag bayluhan sang isa ka dalisay, rebolusyonaryo kag makamasa nga gubyrno kag sistema. **AB**



Tuig XXXIV No. 19 Nobyembre 7, 2003

Ang **Ang Bayan** ginabantala sa lengwahe nga Pilipino, Bisaya, Iloko, Hiligaynon, Waray kag Ingles. Mahimo ini i-download halin sa Philippine Revolution Web Central nga makit-an sa:
www.philippinerevolution.org.
Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Malab-ot kami paagi sa e-mail sa:
angbayan@yahoo.com

Kaundan

Editoryal

Pamatukan ang maniobrahan sang mga reaksyunaryo **1**

Negatibo nga pagtasa sang US sa ekonomya sang Pilipinas **3**

Madinala-on na TO **4**

Hacienda Luisita, gintay-og sang mga protesta **5**

Mga koresponsal

Nagadabdab ang *Daba-Daba* **6**

Sa luwas sang pungsod

Mga atake sang Iraqi sa mga tropa sang US, nagasingki **7**

Balita **8**

Ang **Ang Bayan** ginabantala duha ka beses kada bulan sang Komite Sentral sang Partido Komunista sang Pilipinas.

Negatibo ang pagtasa sang US sa ekonomya sang Pilipinas

Magatatlo ka adlaw pa lang pagkatapos sang pagbisita sa Pilipinas ni Pres. George W. Bush sang US, nagpagguwa ang State Department sang US sang negatibo nga pagtasa sa ekonomya sang Pilipinas. Patimaan ini sang kadalom sang krisis sa ekonomya nga indi mahimutig maskin sang imperyalismong US bisan manabaw ang paganalisa sini sa nasambit nga krisis. Patimaan man ini nga gusto sang US nga iduso ang dugang pa nga liberalisasyon sang ekonomya.

Suno sa *Philippine Economic Outlook*, nga regular ginapagguwa sang embahada sang US kada tunga sa tuig, manubo ang posibilidad nga may signipikante nga pag-uswag ang ekonomya sa 2004.

Luwas sa kahinaan sang guberno sa pagpatuhaw sang rekursong kag sa mabug-at nga palas-anon nga utang, siling sini, nagapadayon ang pangalag-ag sang mga potensyal nga dumuluong nga mamuhunan, turista kag iban pa bahin sa mataas nga porsyento sang krimen, kakulangan sang imprastruktura kag korapsyon. Wala man kuno

sang nahimo si Macapagal-Arroyo para mabuhin-buhinan ang kaimulon ukon batuan ang korapsyon.

Maluwas sa kudeta sadtong Hulyo, lakip sa mga gintumod nga kabangdanan nga nagahatag sang wala-kapat-uran kag nagapugong sa anuman nga naagum nga "pag-uswag" sang ekonomya, ang mga kaso sang korapsyon batuk kay First Gentleman Jose Miquel "Mike" Arroyo.

Sa amo man, ang mga rason nga ini lunsay manabaw kag wala naga-tumod sa pinakadaku nga kabangdanan sa likod sang krisis. Sa kamatuoran, ang padayon nga pagpanghimulos sang imperyalismong US sa atrasado nga ekonomya sang Pilipinas ang pinakadaku nga kabangdanan kon nga nagaantos ang Pilipinas sang permanente nga krisis.

Suno mismo sa datos nga nakasaad diri, wala sang malau-man nga pag-uswag sa ekonomya sa 2004 bangud ang 6.6% lamang nga pagdaku sang pungsodnon nga badyet pakadto sa P864.8 bilyon panason lunsay sang 4-5% implasyon kag sang 2.36% pagdaku sang populasyon.

Wala man sang mahimo diri ang rehimeng Arroyo bangud kon pada-kuon pa ang badyet labi pa gid nga magahabok ang depisit nga umabot na sa P29.1 bilyon para sa bulan sang Septyembre. Ini ang pinakamataas nga inabot sini halin sadtong Marso. Lampas sa target sang mas o menos P10 bilyon kada bulan ang gastos sang guberno sadtong Agosto kag Septyembre.

Pareho sa ginalauman, ginrek-lamo sang rehimeng Arroyo ang pagtasa sang US Embassy-gani, ginbawi ini makaligad ang duha ka adlaw kag nagpagguwa sang ginrebisa nga dokumento ang embahada. Ginbuhinan sang bag-o nga bersyon sang *Philippine Economic Outlook* ang negatibo nga kongklusyon sa una nga dokumento. Ugaling bangud wala sang pagbag-o sa datos nga ginplastar sini, nagapabilin gihapon ang daan nga pagtasa.

Samtang, sa isa ka separadong report, ginsiling sang US kag AFP nga wala ikasarang ang AFP para epektibo nga batuan ang mga "internal nga peligro pangseguridad" sang pungsod. Suno sa Joint Defense Assessment nga ginhimo sang US Pacific Command kag AFP, limitado ang kapasidad sang AFP nga maglunsar sang napanahon kag epektibo nga mga operasyon militar. Ginsiling man sini nga "buhaghag kag wala nagaandar" ang organisasyon sang AFP. Gamit ang report nga ini, gilayon nga ginrekomendar sang idu-ido nga rehimeng Arroyo nga padayunon ang nauntat nga Balikatan 03-1 sa Sulu. Ginatras ang paghanas militar sadtong temprano nga bahin sang tuig bunga sang malaparan nga protesta sa pagpamilit sang US nga magsunod ang mga suldado nga Amerikano sa mga operasyon pangkombat sang AFP. Ini man ang gingamit nga basehan sang imperyalismong US agud maghatag sang dugang nga ayuda militar sa AFP.





38 armas natipon sang BHB sa mga TO

Treynta'y otso ka armas nga may nagkalain-lain nga kalibre ang naagaw sang Bag-ong Hangaway sang Banwa (BHB) sa serye sang mga taktikal nga opensiba sining ulihing simana sang Oktubre. Dose ka pwersa sang kaaway napatay man kag indi magnubo sa tatlo ang pilason.

Sa Northern Samar. Napulo ka mabaskog nga riple kag siyam ka pistola ang nadugang sa arsenal sang BHB sang salakayon sang mga Pulang hangaway sining Oktubre 24 ang hedkwarters sang pulisya sa banwa sang Gamay.

Sakay sa walo ka kinomander nga pangpasahero nga dyip, ginluso sang mga Pulang hangaway bandang alas 6:30 sang aga ang munisipyo sang Gamay, sa naaminhang nasidlangan nga bahin sang prubinyasa. Samtang nagaluthanganay ang pwersang *assault* sang BHB sa apat ka pulis sa hedkwarters, ginsulod sang iban nga gerilya ang mga balay sang duha ka pulis nga malapit sa munisipyo.

Isa ka pulis ang napilasan. Wala sang naangkon nga kasamaran ang

mga Pulang hangaway.

Sa Isabela. Napatay ang pito ka tropa sang gintingub nga pwersang 53rd Reconnaissance Company (RC) kag sang 45th IB sang ambusan ang mga ini samtang nagatabuk sang suba sa Sityo Kurawitan, Barangay Binatug, San Mariano kaagahon sang Oktubre 25.

Suno sa pahayag ni Victor Servidores, tagapamaba sang Fortunato Camus Command (FCC) sang BHB-Hilagang Silangang Luzon, indi man manubo sa pito ang napilasan sa ambus nga ini nga naglawig sang mas o menos lima ka oras. Baliskad sa pahayag sang 5th ID nga anum ka gerilya ang napatay, wala sang kaswalti nga naangkon ang BHB.

Sa Bulacan. Tatlo ka pulis ang

napatay kag napulo ka armas ang naagaw sa madinalag-on nga reyd sang BHB sa detatsment sang Maritime Command sang Philippine National Police (PNP) sa Barangay Poblacion, Hagonoy, Bulacan sadtong gab-i sang Oktubre 30.

Pagkapanaog sa ginasakyan nga van, madasig nga ginsulod sang mga Pulang hangaway ang hedkwarters, nga malapit sa istasyon sang pulisya. Pagkatapos sang napulo ka minutos nga lukpanay, napatay ang tatlo ka pulis kag napilasan ang isa. Umatras ang BHB sakay sa duha ka baroto nga de-motor na nakadungka sa suba sa likod sang detatsment.

Walo ka M16, isa ka .45 kag isa ka kal. 38 ang naagaw sang BHB. Suno sa pahayag sang Komiteng Larangang Gerilya-Kanlurang Bulakan-Pampanga, ginsilutan ang PNP Maritime Command bangud protektor ini sang dalagku nga negosyante sang isda kag ginakilkilan sini ang magagmay nga mangingisda.

Sa Zamboanga del Sur. Duha ka elemento sang CAGU ang napatay kag napilasan ang isa ka sarhento sang ginreyd sang mga Pulang hangaway ang detatsment sang 51st IB sang Philippine Army sa Barangay Fatima, San Miquel sadtong kaaganhon sang Oktubre 27. Ginsunog anay sang BHB ang kampo antes mag-atras dala ang nakumpiska nga tatlo ka mabaskog riple.

Sa Tarlac. Isa ka M16, isa ka M14, isa ka 9 mm kag isa ka .38 ang naagaw sang mga hangaway sang Nelson Mesina Command sang BHB sang lusubon nila ang detatsment sang PNP sa Barangay Lubigan, banwa sang San Jose sadtong Oktubre 26. Nag-abot ang mga gerilya sakay sa tatlo ka *dump truck* sang Provincial Engineers' Office.

AB





Hacienda Luisita, gintay-og sang protesta

Masobra 300 ka mamumugon sa uma halin sa Hacienda Luisita sa Tarlac ang nagpiket sa atubang sang Department of Agrarian Reform sa Quezon City umpisa Oktubre 28 agud ipamilit ang pagbasura sa *stock distribution option* (SDO) sa idalom sang iskema nga *non-land transfer* sang Comprehensive Agrarian Reform Program (CARP).

Ginpangunahan ang paghulag sang Alyansa ng mga Manggawang-Bukid sa Hacienda Luisita (AMBALA).

Ang SDO amo ang isa ka iskema nga ginluto sang rehimeng Aquino sadtong 1987. Tuyo diri ni Pres. Corazon Cojuangco Aquino nga librehon ang 6,453 ektarya nga Hacienda Luisita, nga ginapanag-iyahan sang iya pamilya, sa pagpanagtag sang duta sa idalom sang CARP. Sa tigaylo nga duta ang ipanagtag sa mga mamumugon sa uma nga mapaniplang nga ginabilang nga kabahin sang mga tag-iya sang asyenda.

Paagi sa mga dugang nga maniobra, labi lamang nga ginapahugot sang SDO ang monopolyo kag kontrol sang mga Cojuangco sa mala-

pad nga kadutaan nga madugay sa nga ginauma sang mga katigulangan sang mga mamumugon sa uma. Suno kay Ben Pampoza, tagapamuno sang AMBALA, nakasaad sa kasugtanan bahin sa mga sapi sa asyenda nga igahatag ang P118-milyon nga sapi sa mga benepisyo kada tuig sa sulod sang 30 anyos. Ugaling, siling niya, ang kantidad nga ini 33.29% lamang sang kabilugan nga ginapanag-iyahan sang Hacienda Luisita, Inc. (HLI). Buot silingon, kapot gihapon sang mga Cojuangco ang 66.7% sang mga sapi kag ang absoluto nga kontrol sa mga *corporate farm*. Ang 33.29% sang sapi nga para kuno sa mga mamumugon sa uma katumbas lamang sang 1,633 ektarya halin sa kabilugan nga 6,431 ektarya sang

asyenda.

Luwas sini, ang mga dibidendo nga ginapanagtag kuno sa mga mamumugon sa uma nakabase sa mga adlaw nga gintrabaho nila sa mga ulumhan kag indi sa kabilugan nga tubo sang korporasyon. Halin sa pagkwenta nga ini, P200 lamang kada tuig ang mabaton sang mga pigos kag ginahimuslan nga mamumugon sa uma.

Sadtong nagtaliwan nga bulan, ginboykot sang AMBALA, mga regular nga obreros kag superbisor sa Central Azucarera de Tarlac (CAT) kag sang mga mamumugon sa uma ang eleksyon para sa mga representante sa *board of directors* sang HLI. Bangud sa boykot, 15.77% lamang sang 55,418 milyon nga sapi sang 6,296 ka mamumugon sa uma nga kuno benepisyaryo sang SDO ang nagamit sa piniliay. Suno kay Pampoza, ginasalaming sang resulta sang eleksyon ang sentimyento sang mga mamumugon sa uma sa asyenda. Siling niya, samtang nagakabuhi sa luho ang pamilyang Cojuangco, ang mga pamilya naman sang mga mamumugon sa uma nagaantos sang labaw nga kaimulon.

Maluwas sa HLI kag CAT, kabahin sa mga kumpanya nga ginakuhaan sang minilyun-milyon nga piso nga kita sang mga Cojuangco ang Tarlac Development Corp.; Jose Cojuangco & Sons, Inc.; Luisita Marketing Corp. kag Tarlac Distillery Corp.

Ang asyenda nga ginapabugal sang anay pangulo Aquino bilang modelo sang iya CARP sa tigaylo nangin modelo sang malapnagon kag wala'y huya nga pagpatuyang sa kadutaan dapat panginpuslan sang mga mamumugon sa uma. Husto lamang nga dugang paligunon sang mga mamumugon sa uma halin sa Hacienda Luisita ang ila kubay agud dagung maisulong ang ila paghimakas para sa matuod nga reporma sa duta.

AB



Nagadabdab ang *Daba-Daba* sa Panay

Isa sa mga pangunahon nga ginahatagan pagtamud subong sang Partido sa hilikuton propaganda sa Panay amo ang episyente at malaparan nga pagpadamo kag pagpanagtag sang *Ang Bayan* (AB) bilang pahayagan sang Partido kag sang *Daba-Daba* bilang rebolusyonaryo nga pangmasang pahayagan sa isla.

Una nga ginbantala bilang rebolusyonaryo nga pangmasang pahayagan sa Northern Panay sadtong Pebrero 1977, ang *Daba-Daba* gin-himo nga pangrehiyon nga pahayagan sadtong 1981. Sugod sadto, madalom nga nag-ugat ang *Daba-Daba* sa masa sa isla sang Panay bilang publikasyon nga nagadala sang panindugan kag mga panawagan sang rebolusyonaryong hublag sa madamo nga isyu.

Lubos nga ginsakdag sang masa ang *Daba-Daba*. Kada mag-abot ang ila kopya, nakahanda na ang natalana nga kontribusyon para sa publikasyon. Nangin pangunahon man ini nga ginakuhaan sang mga balita kag impormasyon bahin sa pag-uswag sang rebolusyonaryong hublag sa kasyudaran kag sa kaumhan.

Kadungan sini, padayon nga ginasalhin, ginapadamo kag ginapanagtag ang AB sa rehiyon.

Bangud sa impluwensya sang sala nga linya sadtong dekada 1980, naglaka ang pagpagguwa sang *Daba-Daba* tubtub nga nauntat ini sadtong 1987. Liwat nga ginbantala ini sadtong Pebrero 1998, bilang isa sa mga ginbunga sa rehiyon sang Ikaduha nga Dungganon nga Kahublagan Pagpanadlong sang Partido.

Ginsuguran nga ibantala ang *Daba-Daba* kada tatlo ka bulan nga may 12 tubtub 16 pahina. Nagapagguwa man sang espesyal nga isyu nga may apat tubtub anum ka pahina nga nagaunod sang mga

analisis kag mga panawagan sa mga mainit nga isyu.

Subong nga tuig, santo sa direktiba sang pungsodnon nga liderato sang Partido bahin sa mas masunson nga pagpagguwa sang AB, nagdesisyon ang pangrehiyon nga liderato sang Partido nga hatagan prayoridad ang pagpadamo kag pagpanagtag sini bilang pangunahon nga pahayagan nga ginpanagtag sa rehiyon.

Kadungan sini, gindesisyunan nga ipagguwa ang *Daba-Daba* bilang rehiyunal nga seksyon sang AB. Sa sini, ginareport sang *Daba-Daba* ang mga panawagan kag panindugan sang rebolusyonaryong kahublagan sa mga lokal nga isyu. Ginabantala man ang mga balita bahin sa kahublagang masa sa kasyudaran kag sa kaumhan sang Panay nga wala naupod sa pagbalita sang AB.

Ginabantala subong ang *Daba-Daba* base sa kakinahanglanon sang rehiyon nga ginadesisyunan sang pangrehiyon nga pamunuan sang Partido. Sa subong, duha ka beses na ini nga nakapagguwa sang lima tubtub anum ka pahina nga isyu (Marso 7 kag Agosto 21) nga nakalalip sa mga regular nga isyu sang AB.

May probisyon man nga mahimo magpagguwa ini sang espesyal nga isyu. Ginapanan-aw gihapon nga magapagguwa ini nga separado sa AB base sa kinahanglanon nga ikasarang.

Ginapabilin ang *masthead* ukon simbolo sang *Daba-Daba* agud hatagan sang pagkaiba ang identidad sini bilang pangrehiyon nga pangmasang pahayagan.

Ginpabilin man ang komiks nga "Caduy", isa ka regular nga seksyon sang *Daba-Daba* nga popular sa mga bumalasa. "Caduy" ang masami nga hayo sang mga bata nga lalaki nga taga-Antique.

Sa amo nga areglo, nabilog, nahimo nga simple kag namaksimisa ang makinarya, mga resorsa kag pamaagi sang rebolusyonaryong kahublagan sa pagpadamo kag pagpanagtag sang mga publikasyon sang partido kag sang mga pangrehiyon nga pangmasang pahayagan. Dugang nga matum-ukan sang istap sang *Daba-Daba* ang ila pagtamod sa pangrehiyon nga halambalanon kag napartikularisa sa kahimtangan pangrehiyon ang pag-analisa sa mga pungsodnon nga isyu nga nagaguwa sa AB.

Nakabulig man ang pagtinguha sang editoryal istap sang AB sa pagdala sang mga pangrehiyon nga isyu kag mga balita paagi sang mga koresponsal.

Sa amo pa man, may mga problema kag halambalanon nga kinahanglan hatagan atensyon. Pila sini ang pagpasunson sang pagpagguwa sang *Daba-Daba* agud masabat ang nagadasig nga kumpas sang atong rebolusyonaryong hilikuton ka gang nagasingki nga kontra-rebolusyonaryong propaganda sang kaaway sa rehiyon.

Kinahanglan man nga hugton ang koordinasyon sa tunga sang mga editoryal istap sang AB kag sang *Daba-Daba* kag mahatagan sang partikular nga atensyon ang kaundan ang duha ka pahayagan labi na ang mga balita halin sa rehiyon.

AB



Mga atake sang Iraqi sa mga tropa sang US, nagasingki

Nagataas ang lebel sang pagpakig-away sang pumuluyong Iraqi samtang padayon nga nabudlayan ang US nga makakuha sang signipikante nga multilateral nga suporta para sa okupasyon sini sang Iraq. Sining Nobyembre 2, dise-sais ka tropang Amerikano ang napatay sang iguon sang *surface-to-air missile* ang ginasakyan nila nga Chinook helikopter sa baryo sang Albu-Isa sa banwa sang Baisa sa Fallujah, Iraq. Tatlo pa ka Amerikano (isa ka suldado kag duha ka sibilyan nga kontratista sang US Army Engineering Corps) ang napatay sadtong aga man sa Baghdad sang palukpan sang bomba ang ila ginasakyan.

Nasaksihan sang mga nagtabang nga tropang Amerikano ang paghinugyaw sang pumuluyo sa Albu-Isa sa pagkahulog sang helikopter kag pagkamatay sang sakay sini nga mga tropa. Nagasinggitan sila nga mga "baboy nga Amerikano" ang mga namatay nga dumuluong nga tropa. Pangaduha nga mabaskog nga atake ini batuk sa mga pwersang okupasyon nga ginapamunuan sang US halin sang salakayon sini ang Iraq. Nagaabot sa 139 nga suldadong Amerikano ang namatay halin sang gindeklara

sang US nga tapos na ang gera. May abereyds nga duha ka kabaong ang ginauli sa US kada adlaw.

Antes ini, nag-abot sa 43 suldado ang napatay kag masobra 200 ang napilasan bunga sang serye nga pagpangbomba sang mga pwersang gerilya sadtong Oktubre 27 batuk sa pwersang koalisyon kag mga papet sini. Sa sulod sang 45 minutos, lima ka bomba ang sunod-sunod nga ginpalupok sa Baghdad kag Fallujah. Ginwasak sini ang mga upisina sang International Committee of the Red Cross (ICRC) kag apat

ka hedkwarters sang pulisya. Natabo ang pagpalupok isa ka adlaw maka-ligad nga paulanan sang mga *rocket* ang Rashid Hotel nga ginateneran ni US Deputy Defense Sec. Paul Wolfowitz. Matuod nga nakasalbar sa mga atake nga ini, napatay ang isa ka mataas nga upisyal military sang US.

Ang pinakaulihi nga mga atake nga ini senyal sang nagataas nga lebel sang ikasarang kag koordinasyon sang mga pwersang Iraqi nga nagabato sa okupasyon.

Sa pihak nga bahin, maluwas sa \$87.5 bilyon nga badyet nga ginaprubahan sang Senado sang US agud gastusan ang mga tropang okupasyon sang US sa Afghanistan kag Iraq, wala sang iban nga nakuha nga signipikanteng suporta ang US, labi na halin sa France kag Germany. Napaslawan ang ginorganisa sang US nga kumperensya para mangalap sang pinansyal nga suporta para sa "rekonstruksyon sang Iraq" sa Madrid, Spain sining Oktubre 24.

Nagabaskog man ang pagpamatuk sa okupasyon indi lamang sa guwa kundi sa US mismo.

Sadtong Oktubre 25, masobra 100,000 katawo ang naglunsar sang mga aksyong protesta sa Washington, D.C. Pinakadaku nga demonstrasyon ini batuk sa pagpanggera sang US halin sang gindeklara ni Bush nga tapos na ang mayor nga kumprontasyon sa Iraq. Ang mga nagprotesta naghalin sa 145 ka syudad, lakip ang 800 pamilya sang mga suldado nga Amerikano nga nadestino sa Middle East. Samtang, may 25,000 katawo ang nagmartsa sa plasa sa atubang sang City Hall sang San Francisco, California. Ginpamunuan ang mga aksyong protesta nga ini sang United for Peace and Justice kag International ANSWER (Act Now to Stop War and End Racism).

AB

Pagpanggera sang guberno sa Mindanao, ginapauntat sang mga lumad

NAGPANAWAGAN ang mga lumad sa gubyernong Arroyo nga untatan na ang pagpanggera sa Mindanao. Mas o menos 80,000 na halin sa kubay nila ang nangin biktima sang gera nga sining tuig. Ginpahayag nila ini sa isa ka porum sa Kidapawan City sa paghingapos sang pagdumdom sa Tribal Filipino Month sadtong ulihi nga simana sang Oktubre. Masobra 20 organisasyon sang pumuluyo ang nag-

partisipar sa okasyon. Ginpakamala sang mga nagtambong ang guberno bangud sa bungol ini sa ila mga reklamo.

Suno kay Minda Acat, isa ka lider sang mga lumad, sila ang pangunahon nga nahalitan sang "gera batuk sa terorismo" sa Mindanao. Nadulaan sang puluy-an ang daku nga numero sang mga nasamad ang ila mga talamnan kag produkto.

Gabriela, nagmartsa batuk sa plano ni Arroyo sa 2004

NAGLUNSAR sang Pambansang Araw ng Protesta ng Kababaihan ang ginatus-gatos nga myembro sang Gabriela sadtong Oktubre 28. Nagmartsa halin Mabuhay Rotunda tubtub Mendiola ang kababaihan halin sa kubay sang mamumugon, mangunguma, pamatan-on kag iban pa nga sector para ipabutyag ang ila pagpa-

matuk sa pagpabilin ni Pres. Gloria Arroyo sa poder lampas sa 2004.

Bag-o sini, ginhiwat sang Gabriela ang ika-9 nga kongreso kag ginsaulog ang ika-20 nga anibersaryo sang organisasyon. Ginpasidunggan man nila ang maisog nga kababaihan nga nagabato sa diktaduryang Marcos.

7 patay sa epidemya sang kolera sa Tondo

PITO ka residente na sang Tondo, Maynila ang namatay kag 576 ang naospital bangud sa epidemya sang kolera nga nagapanghalit sa 11 barangay sa lugar halin pa sadtong Oktubre 23.

Naghugas sang kamot subong ang Maynilad Water Services Inc. ka gang guberno sang Maynila sa responsibilidad nila sa indi maayo

nga serbisyo sa tubig nga nangin bangdan sang epidemya. Sa pihak sang mataas nga sukot sa tubig, nagalinapta ang mga daan nga tubo kag may mga buslot, nga madali sudlan sang mikrobyo. Mahigko man ang kapalibutan bangud sa daw bukid nga basura nga wala ginahakot sang lokal nga guberno.

Upisyal sang VFA Commission, ginpahalin

GINPAHALIN ni Pres. Arroyo sa pwesto si Usec. Amado Valdez, *executive director* sang Presidential Commission on the Visiting Forces Agreement sining karon lang bangud sa padayon niy nga pag-insister nga panaugan sang aksyon pangdisiplina ang tatlo ka suldado nga Amerikano nga naimbolbar sa

isa ka aksidente sa trapiko sa Zamboanga City sadtong Setyembre bangud sa kahulugbon.

Ini ang ginpabutyag ni Valdez sa mga mamahayag sadtong Oktubre 28. Isa pa ka rason amo ang panindugan ni Valdez sa mga kinamatarung sang pungsod sa implementasyon sang Visiting Forces Agreement.

Pagbisita ni Bush sa Asia, nag-ani sang mga protesta

Kabaliskaran sa tuyo niya nga magkuha sang lubos nga suporta sa iya "gera batuk sa terorismo," nag-ani si Pres. George W. Bush sang mabaskog nga protesta sa madasigan niya nga pagbisita sa anum ka pungsod sa Asia.

Thailand. Pareho sang mga natabo sa pagbisita niya sa Japan kag Pilipinas, ginsug-alaw si Bush sang mga pagpakamalaut sang mga aktibistang Thai sa pagtambong niya sa Asia-Pacific Economic Cooperation (APEC) Summit sadtong Oktubre 19-21 sa Bangkok, kabisera sang pungsod. Mas o menos 1,000 katawo ang nagmartsa sa mga karsada agud ipabutyag ang ila pagpamatuk sa pagsakup sang mga pwersang Amerikano sa Afghanistan kag Iraq kag sa globalisasyon. Samtang, may mga 3,000 demonstrador halin sa mga prubinsya sang Thailand ang ginpunggan sang pulisya nga makasulod sa Bangkok.

Indonesia. Sadtong pagbisita ni Bush sa pungsod sadtong Oktubre 21, ginatus-gatos nga katapu sang KAMMI ukon Indonesian Muslim Students Action Front ang nagrali sa guwa sang US Embassy sa Jakarta. Ginsunog nila ang mga larawan kag *effigy* ni Bush kag mga bandera sang Amerika. May mga aksyong protesta man sa mga banwa sang Yogyakarta, Bali, Jember, Palembang, Makassar, Sola kag Semarang.

Australia. Duha ka beses nga gintublag ang pamulong-pulong ni Bush sa parlamento sang insultuhon siya nanday Sen. Kerry Nettle kag isa pa nga katapu sang parlamento. Nagsinggit sila sang mga islogan batuk sag era sang US sa Iraq. Samtang, wala mapunggan sang mga pulis ang paglunsar sang protesta sang mas o menos 2,000 katawo sa guwa sang parlamento.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 19
Nobyembre 7, 2003
www.philippinerevolution.org

Editorial

Pamatukan ang kontrapumuluyo nga maniobrahan sang mga reaksyunaryo

Wala kutod ang kaluiban kag himbunanay sang nagkalain-lain nga paksyon sang nagaharing sahi samtang nagamaniobrahan kag nagapa-indisanay sila para sa poder pangpulitika kag paghugakum sa kaban sang banwa. Samtang nabuyo sila sa pagtigayon sang ila mahigko nga hampang sa reaksyunaryong pulitika, nasaksihan sang bug-os nga pungsod kon paano nila ginalikawan kag tikuon ang reaksyunaryo nga layi agud isulong ang tagsa nila ka makitid nga interes. Matuki man sang pumuluyo kon ano kahigko kag kapintas ang resulta sang eleksyon sa 2004, kon madayon gid man ini.

Ang subong nga mainit nga isyu angot sa *impeachment* kay Hilario Davide Jr., *chief justice* sang Korte Suprema, paibabaw lamang nga manipstasyon sang mas mabaskog nga maniobrahan, bangga kag himbunanay sang nagkalain-lain nga paksyon sa nagaharing sahi. Ano man ang merito sang kaso nga ginaatubang ni Davide, sa likod sini maathag nga makita nga ang mga nagabanggianay nga grupo—dampig ukon kontra sa mahistrado nagatiglawas sang dalagku nga pangpulitika kag pang-ekonomya nga interes. Ang numero uno nga nagmaniobra agud kasuhan si Davide amo si Eduardo "Danding" Cojuangco Jr. nga naga-

papel bilang isa sa mga tagapwesto kag prinsipal nga kroni sang mga nagtaliwan nga presidente. Ang nakataya subong: ang pag-amlig kag pagpalapad pa sang iya imperyo kag kagamhanan sa reaksyunaryong pulitika. Buot pat-uron ni Cojuangco nga mabawi ang husgar sang Korte Suprema nga pondo pangpubliko ang *coco levy* nga madugay na niya ginaangkon. Kaangot sini, mahawan man ang dalan sa pag-angkon niya sa 27% sapi sang United Coconut Planters Bank sa San Miquel Corporation (SMC) nga ginbakal sa paagi sang nasambit nga pondo. Nahimo na niya nga baliskaron sa Sandiganbayan ang mandu sang Presidential



**Mga tampok sa
isyung ito...**

Negatibo ang grado
sang ekonomya
sang Pilipinas PAHINA 3

38 armas natipon
sang BHBsa mga T0
PAHINA 4

Nagadabdab ang
Daba-Daba sa Panay
PAHINA 6